

175  
527  
8

準  
貴

六







首合掌白佛言世尊唯願說之。我等當信受  
佛語如是三白已復言唯願說之。我等當信  
受佛語。今時世尊知諸菩薩三請不心而告  
之言。汝等諦聽。如來秘密神通之力。一切世  
間。天。人。及阿脩羅。皆謂今釋迦牟尼佛出釋  
氏宮。去伽耶城不遠。坐於道場。得阿耨多羅  
三藐三菩提。然善男子。我實成佛已來。無量  
無邊百千萬億那由他劫。譬如五百千萬億  
那由他阿僧祇三千大千世界。假使有人。抹  
為微塵。過於東方五百千萬億那由他阿僧



祇國乃下一塵。如是東行。盡是微塵。諸善男子。於意云何。是諸世界。可得思惟。按計。知其數不。弥勒菩薩等。俱白。佛言。世尊。是諸世界。無量無邊。非算數所知。亦非心力所及。一切聲聞辟支佛。以無漏智。不能思惟。知其限數。我等住阿惟越致地。於是事中。亦所不達。世尊。如是諸世界。無量無邊。今時佛告大菩薩。衆諸善男子。今當分明宣語汝等。是諸世界。若著微塵。及不著者。盡以為塵。一塵一劫。我成佛已來。復過於此百千萬億那由他阿僧



祇劫自後是來。我常在此娑婆世界說法教  
化。亦於餘處百千萬億那由他阿僧祇國導  
利衆生。諸善男子。於是中間。我說燃燈佛等。  
又復言。其入於涅槃。如是皆以方便分別。諸  
善男子。若有衆生來至我所。我以佛眼觀其  
信等。諸根利鈍。隨所應度。處處自說名字。不  
同年紀大小。亦復現言。當入涅槃。又以種種  
方便。說微妙法。能令衆生發歡喜心。諸善男  
子。如來見諸衆生。樂於小法。德薄垢重者。為  
是。又說。我小出家。得阿耨多羅三藐三菩提。



然我實成佛已來。久遠若斯。但以方便教化衆生。令入佛道。作如是說。諸善男子。如來所演經典。皆為度脫衆生。或說已身。或說他身。或示已身。或示他身。或示已事。或示他事。諸所言說。皆實不虛。所以者何。如來如實知見。三界之相。無有生死。若退若出。亦無在世。及滅度者。非實非虛。非如非異。不如三界。見於三界。如斯之事。如來明見。無有錯謬。以諸衆生。有種種性。種種欲。種種行。種種憶想。分別。故欲令生諸善根。以若干因緣。譬喻言辭。種



種說法。所作佛事。未曾暫廢。如是我成佛已。來甚大久遠。壽命無量。阿僧祇劫。常任不滅。諸善男子。我本行菩薩道。所成壽命。今猶未盡。復倍上數。然今非實滅度。而便唱言。當取滅度。如來以是方便。教化衆生。所以者何。若佛久住於世。薄德之人。不種善根。貧窮下賤。貪著五欲。入於憶想。妄見網中。若見如來。常在。不滅。便起憍恣。而懷厭怠。不能生於難遭之想。恭敬之心。是故如來。以方便說。比丘當知。諸佛出世。難可值遇。所以者何。諸薄德人。



過無量百千萬億劫。或有見佛。或不見者。以  
此事故。我作是言。諸比丘。如來難可得見。斯  
衆生等。聞如是語。必當生於難遭之想。心懷  
戀慕。渴仰於佛。便種善根。是故如來。雖不實  
滅。而言滅度。又善男子。諸佛如來。法皆如是。  
為度衆生。皆實不虛。譬如良醫。智慧聰達。明  
練方藥。善治衆病。其又多諸子息。若十二。十。  
乃至百數。以有事緣。遠至餘國。諸子於後。飲  
他毒藥。藥發悶亂。宛轉于地。是時其父。還來  
歸家。諸子飲毒。或失本心。或不失者。遙見其



父皆大歡喜。拜跪問訊。善安穩歸。我等愚癡。誤服毒藥。願見救療。更賜壽命。父見子等苦惱。如是依諸經方。求好藥草。色香美味。皆悉具足。擣蕤和合。與子令服。而作是言。此大良藥。色香美味。皆悉具足。汝等可服。速除苦惱。無復衆患。其諸子中。不失心者。見此良藥。色香俱好。即便服之。病盡除愈。失心者。見其父來。雖亦歡喜。問訊求索。治病。然與其藥。而不肯服。所以者何。毒氣深入。失本心故。於此好色香藥。而謂不美。父作是念。此子可愍。為



毒所中心皆顛倒。雖見我喜。求索救療。如是  
好藥。而不肯服。我今當設方便。令服此藥。即  
作是言。汝等當知。我今衰老。死時已至。是好  
良藥。今留在此。汝可取服。勿憂不差。作是教  
已。復至他國。遣使還告。汝父已死。是時諸子  
聞父背喪。心大憂惱。而作是念。若父在者。慈  
愍我等。能見救護。今者捨我。遠喪他國。自惟  
孤露。無復恃怙。常懷悲感。心遂醒悟。乃知此  
藥。色香味美。即取服之。毒病皆愈。其父聞子  
悉已得差。尋便來歸。咸使見之。諸善男子。於



意云何。頗有人能說此良醫。虛妄罪不。不也。  
世尊。佛言。我亦如是。成佛已來。無量無邊百  
千萬億那由他阿僧祇劫。為衆生故。以方便  
力。言當滅度。亦無有能如法說我虛妄過者。  
忞時世尊。欲重宣此義。而說偈言。

自我得佛來。所經諸劫數。無量百千萬億載。阿僧祇  
常說法教化。無數億衆生。令人於佛道。忞來無量劫  
為度衆生故。方便現涅槃。而實不滅度。常住此說法  
我常住於此。以諸神通力。令顛倒衆生。雖近而不見  
衆見我滅度。廣供養舍利。咸皆懷戀慕。而生渴仰心。



衆生既信伏。質直意柔軟。一心欲見佛。不自惜身命。  
時我及衆僧。俱出靈鷲山。我時語衆生。常在此不滅。  
以方便力故。現有滅不滅。餘國有衆生。恭敬信樂者。  
我復於彼中。為說無上法。汝等不聞此。但謂我滅度。  
我見諸衆生。沒在於苦海。故不為現身。令其生渴仰。  
回其心戀慕。乃出為說法。神通力如是。於阿僧祇劫。  
常在靈鷲山。及餘諸佳處。衆生見劫盡。大火所燒時。  
我此土安穩。天人常充滿。園林諸堂閣。種種寶莊嚴。  
寶樹多花菓。衆生所遊樂。諸天擊天鼓。常作衆妓樂。  
雨曼陀羅華。散佛及大衆。我淨土不毀。而衆見燒盡。



憂怖諸苦惱如是愁充滿是諸罪衆生以惡業回緣  
過阿僧祇劫不聞三寶名諸有循功德柔和質直者  
則皆見我身在此而說法或時為此衆說佛壽無量  
久乃見佛者為說佛難值我智力如是慧光照無量  
壽命無數劫久循業所得汝等有智者勿於此生疑  
當斷令永盡佛語實不虛如醫善方便為治狂子故  
實在而言死無能說虛妄我亦為世文救諸苦患者  
為凡夫顛倒實在而言滅以常見我故而生慍恚心  
放逸著五欲墮於惡道中我常知衆生行道不行道  
隨應所可度為說種種法每自作是念以何令衆生



得入無上道。速成就佛身。

妙法蓮華經分別功德品第七。

忒時大會。聞佛說壽命劫數。長遠如是。無量  
無邊。阿僧祇衆生。得大饒益。於時世尊。告於  
勅菩薩摩訶薩。阿逸多。我說是如來壽命長  
遠時。六百八十万億那由他。恒河沙衆生。得  
無生法忍。復有千倍菩薩摩訶薩。得聞持陀  
羅尼門。復有一世界。微塵數菩薩摩訶薩。得  
樂說無身辯才。復有一世界。微塵數菩薩摩  
訶薩。得百千万億無量旋陀羅尼。復有三千



大千世界。微塵數菩薩摩訶薩。能轉不退法  
輪。復有二千中國土。微塵數菩薩摩訶薩。能  
轉清淨法輪。復有小千國土。微塵數菩薩摩  
訶薩。八生當得阿耨多羅三藐三菩提。復有  
四四天下。微塵數菩薩摩訶薩。四生當得阿  
耨多羅三藐三菩提。復有三四天下。微塵數  
菩薩摩訶薩。三生當得阿耨多羅三藐三菩  
提。復有二四天下。微塵數菩薩摩訶薩。二生  
當得阿耨多羅三藐三菩提。復有一四天下。  
微塵數菩薩摩訶薩。一生當得阿耨多羅三



獲三菩提。復有八。世界微塵數衆生。皆發阿耨多羅三藐三菩提心。佛說是諸菩薩摩訶薩。得大法利時。於虛空中。雨曼陀羅華。摩訶曼陀羅華。以散無量百千萬億寶樹下。師子座上。諸佛并散七寶塔中。師子座上。釋迦牟尼佛及文殊度多寶如來。亦散一切諸大菩薩。及四部衆。又雨細抹旃檀沉水香等。於虛空中。天鼓自鳴。妙聲深遠。又雨千種天衣。垂諸瓔珞。真珠瓔珞。摩尼珠瓔珞。如意珠瓔珞。遍於九方。衆寶香爐。燒無價香。自然周至。供



養大會。一一佛上有諸菩薩。執持幡蓋。次第而上。至于梵天。是諸菩薩。以妙音聲。歌無量頌。讚歎諸佛。尔時弥勒菩薩。從座而起。偏袒右肩。合掌向佛。而說偈言。

佛說希有法。昔所未曾聞。世尊有大力。壽命不可量。無數諸佛子。聞世尊分別。說得法利者。歡喜充遍身。或住不退地。或得陀羅尼。或無身樂。說。万億旋。捻持。或有大千界。微塵數菩薩。各各皆能轉。不退之法輪。復有中千界。微塵數菩薩。各各皆能轉。清淨之法輪。復有小千界。微塵數菩薩。餘各八生。在當得成佛道。



五

或有四三二。如此四天下。微塵數菩薩。隨數生成佛。  
或一四天下。微塵數菩薩。餘有一生在當得一切智。  
如是等衆生。聞佛壽長遠。得無量無漏清淨之果報。  
復有八世東。微塵數衆生。聞佛說壽命。皆發無上心。  
世尊說無量不可思議法。多有所饒益。如虛空無邊。  
雨天曼陀羅。摩訶曼陀羅。釋梵如恒沙。無數佛土來。  
雨栴檀沉水。繽紛而亂墜。如鳥飛空下。供散於諸佛。  
天鼓虛空中。自然出妙聲。天衣千萬億。旋轉而來下。  
衆寶妙香鑪。燒無價之香。自然悉周遍。供養諸世尊。  
其大菩薩衆。執七寶幡蓋。高妙方億種。次第至梵天。



一一諸佛前寶幢懸勝幡亦以千萬偈歌詠諸如來  
如是種種事昔所未曾有聞佛壽無量一切皆歡喜  
佛名聞十方廣饒益眾生一切具善根以助無上心  
尔時佛告旃勒菩薩摩訶薩阿逸多其有衆  
生聞佛壽命長遠如是乃至能生一念信解  
所得功德無有限量若有善男子善女人為  
阿耨多羅三藐三菩提故於八十方億那由  
他劫行五波羅蜜檀波羅蜜尸羅波羅蜜羼  
提波羅蜜毗梨耶波羅蜜禪波羅蜜除般若  
波羅蜜以是功德比前功德百分千分百千



萬億分不及其一。乃至算數譬喻所不能知。  
若善男子。有如是功德。於阿耨多羅三藐三  
菩提退者。無有是處。亦時世尊。欲重宣此義。  
而說偈言。

若人求佛慧。於八十方億。那由他劫。數行五波羅蜜。

於是諸劫中。布施供養佛。及緣覺弟子。并諸菩薩眾。

珍異之飲食。上服與卧具。栴檀立精舍。以園林莊嚴。

如是等布施。種種皆微妙。盡此諸劫數。以迴向佛道。

若復持禁戒。清淨無缺漏。求於無上道。諸佛之所歎。

若復行忍辱。住於調柔地。設眾惡來加。其心不傾動。



諸有得法者。懷於增上慢。為此所輕惱。如是亦能忍。  
若復勤精進。志念常堅固。於無量億劫。一心不懈怠。  
又於無數劫。住於空閑處。若坐若經行。除睡常攝心。  
以是因緣故。能生諸禪定。八十億万劫。安住心不乱。  
持此一心福。願求無上道。我得一切智。盡諸禪定際。  
是天於百千万億劫數中。行此諸功德。如上之所說。  
有善男女等。聞我說壽命。乃至一念信。其福過於彼。  
若人悉無有一切諸疑悔。深心須臾信。其福為如此。  
其有諸菩薩。無量劫行道。聞我說壽命。是則能信受。  
如是諸人等。願受此經典。願我於未來。長壽度眾生。



如今日世尊諸釋中之王道場師子吼說法無所畏  
我等未來世一切所尊敬坐於道場時說壽亦如是  
若有深心者清淨而質直多聞能格持隨義解佛語  
如是諸人等於此無有疑

又阿逸多若有聞佛壽命長遠解其言趣是  
人所得功德無有限量能起如來無上之慧  
何况廣聞是經若教人聞若自持若教人持  
若自書若教人書若以華香瓔珞幢幡繒蓋  
香油蘂燈供養經卷是人功德無量無邊能  
生一切種智阿逸多若善男子善女人聞我



說壽命長遠。深信解。則為見佛。常在耆闍  
崛山。共大菩薩。諸聲聞眾。圍遶說法。又見此  
娑婆世界。其地瑠璃。坦然平正。閻浮檀金。以  
界八道寶樹行列。諸臺樓觀。皆悉寶成。其菩  
薩眾。咸處其中。若有能如是觀者。當知是為  
深信解相。又復如來滅後。若聞是經。而不毀  
碎。起隨喜心。當知已為深信解相。何況讀誦。  
受持之者。斯人則為頂戴如來。阿逸多。是善  
男子。善女人。不須為我。復起塔寺。及作僧坊。  
以四事供養眾僧。所以者何。是善男子。善女



人受持讀誦。是經典者。為已起塔。造立僧坊。  
供養衆僧。則為以佛舍利。起七寶塔。高廣漸  
小。至于梵天。懸諸幡蓋。及衆寶鈴。華香瓔珞。  
珠香塗香。燒香。衆鼓。妓樂。簫笛。篳篥。種種舞  
戲。以妙音聲。歌頌讚頌。則為已於無量千萬  
億劫。作是供養已。阿逸多。若我滅後。聞是經  
典。有能受持。若自書。若教人書。則為起立僧  
坊。以赤栴檀。作諸殿堂。三十有二。高八多羅  
樹。高廣嚴好。百千比丘。於其中止。園林浴池。  
經行禪窟。衣服飲食。牀蓐湯藥。一切樂具。充



滿其中。如是僧坊堂閣若干百千萬億。其數  
無量。以此現前供養於我。及比丘僧。是故我  
說。如來滅後。若有受持讀誦。為他人說。若自  
書。若教人書。供養經卷。不須復起塔寺。及造  
僧坊。供養衆僧。况復有人能持是經。兼行布  
施持戒。忍辱精進。一心智慧。其德最勝。無量  
無邊。譬如虛空。東西南北。四維上下。無量無  
邊。是人功德。亦復如是。無量無邊。疾至一切  
種智。若人讀誦受持。是經為他人說。若自書。  
若教人書。復能起塔。及造僧坊。供養讚歎聲。



聞眾僧亦以百千萬億讚歎之法讚歎菩薩  
功德。又為他人種種目錄。隨義解說。此法華  
經復能清淨持戒。與柔和者。而共同止。忍辱  
無瞋。志念堅固。常貴坐禪。得諸深定。精進勇  
猛。攝諸善法。利根智慧。善答問難。阿逸多。若  
我滅後。諸善男子善女人。受持讀誦。是經典  
者。復有如是諸善功德。當知是人。已趣道場。  
近阿耨多羅三藐三菩提。坐道樹下。阿逸多。  
是善男子善女人。若坐若立。若經行處。此中  
便應起塔。一切天人。皆應供養。如佛之塔。亦



時世尊欲重宣此義而說偈言

若我滅度後能奉持此經斯人福無量如上之所說  
是則為具足一切諸供養以舍利起塔七寶而莊嚴  
表刹甚高廣漸小至梵天寶鈴千萬億風動出妙音  
又於無量劫而供養此塔華香諸瓔珞天衣衆伎樂  
燃香油種種燈周幣常照明惡世末法時能持是經者  
則為已如上一具足諸供養若能持此經則如佛現在  
以牛頭栴檀起僧坊供養堂有三十二高八多羅樹  
上饌妙衣服牀卧皆具足百千衆住處園林諸浴池  
經行及禪窟種種皆嚴好若有信解心受持讀誦書



若復教人書及供養經卷散華香抹香以須臾瞻蔔  
阿提目多伽薰油常燃之如是供養者得無量功德  
如虛空無邊其福亦如是咒復持此經兼布施持戒  
忍辱樂禪定不瞋不惡口恭敬於塔廟謙下諸比丘  
遠離自高心常思惟智慧有問難不瞋隨順為解說  
若能行是行功德不可量若見此法師成就如是德  
應以天華散天衣覆其身頭面接足禮生心如佛想  
又應作是念不久詣道場得無漏無為廣利諸天人  
其所住心處經行若坐卧乃至說一偈是中應起塔  
莊嚴令妙好種種以供養佛子住此地則是佛受用



常在於其中。經行若坐卧。

妙法蓮華經隨喜功德品第十八。

尔時弥勒菩薩摩訶薩。白佛言。世尊。若有善男子善女人。聞是法華經。隨喜者。得幾所福。而說偈言。

世尊滅度後。其有聞是經。若能隨喜者。為得幾所福。尔時佛告弥勒菩薩摩訶薩。阿逸多。如來滅後。若比丘比丘尼。優婆塞。優婆夷。及餘智者。若長若幼。聞是經。隨喜已。從法會出。至於餘處。若在僧坊。若空閑地。若城邑巷陌。聚落田。



里如其所聞為父母宗親善友知識隨力演  
 說。是諸人等聞已隨喜。復行轉教。餘人聞已  
 亦隨喜轉教。如是展轉至第五十阿逸多。其  
 第五十善男子善女人隨喜功德。我今說之。  
 汝當善聽。若四百万億阿僧祇世界。六趣四  
 生。衆生。卵生。胎生。濕生化生。若有形無形。有  
 想無想。非有想非無想。無足二足四足多足。  
 如是等在衆生數者。有人求福。隨其所欲。娛  
 樂之具。皆給與之。一一衆生。與滿閻浮提金  
 銀。瑠璃。車渠。馬腦。珊瑚。虎魄。諸妙珍寶。及象



馬車乘七寶所成宮殿樓閣等是大施主。如  
是布施滿八十年已而作是念。我已施衆生  
娛樂之具。隨意所欲。然此衆生皆已衰老。年  
過八十。髮白面皺。將死不久。我當以佛法而  
訓導之。即集此衆生。宣布法化。亦教利喜。一  
時皆得須陀洹道。斯陀含道。阿那含道。阿羅  
漢道。盡諸有漏。於深禪定皆得自在。具八解  
脫。於汝意云何。是大施主所得功德。寧為多  
不。旃勒白佛言。世尊。是人功德甚多。無量無  
邊。若是施主。但施衆生。一切樂具。功德無量。



何况今得阿羅漢果。佛告。拈勒。我今分明語  
汝。是人以一切樂具。施於四百万億阿僧祇  
世界。六趣衆生。又令得阿羅漢果。所得功德。  
不如是第五十人。聞法華經一偈。隨喜功德。  
百分千分。百千万億分。不及其一。乃至算數  
譬喻。所不能知。阿逸多。如是第五十人。展轉  
聞法華經。隨喜功德。尚無量無邊。阿僧祇。何  
况最初於會中聞。而隨喜者。其福復勝。無量  
無邊。阿僧祇。不可得比。又阿逸多。若人為是  
經。故往詣僧坊。若坐若立。須臾聽受。緣是功



德轉身所生得好上妙象馬車乘珍寶輦。及乘天宮。若復有人於講法處坐更有入來。勸令坐聽。若今座令坐是人功德轉身得帝釋坐處。若梵天王坐處。若轉輪聖王所坐之處。阿逸多。若復有人語餘人言。有經名法華。可共往聽。即受其教。乃至須臾間。是人功德轉身得與陀羅尼菩薩共生一處。利根智慧百千萬世終不瘖啞。口氣不臭。舌常無病。口亦無病。齒不垢黑。不黃不踈。亦不缺落。不差。不曲。脣不下垂。亦不寒縮。不廉澀。不瘡疥。



亦不缺壞亦不啗邪不厚不大亦不梨黑無  
諸可惡鼻不膈腴亦不曲戾面色不黑亦不  
狹長亦不突曲無有一切不可姦相脣舌列  
齒悉皆嚴好鼻循高直面貌圓滿肩高而長  
額廣平正人相具足世世所生見佛聞法信  
受教誨阿逸多汝且觀是勸於一人令往聽  
法功德如此何況一心聽說讀誦而於大衆  
為人分別如說猶行今時世尊欲重宣此義  
而說偈言

若人於法會得聞是經典乃至於一偈隨喜為他說



如是展轉教 至於第五十 最後人獲福 今當分別之  
如有大施主 供給無量眾 具滿八十歲 隨意之所欲  
見彼衰老相 髮白而面皺 齒踈形枯竭 念其死不久  
我今應當教 令得於道果 即為方便說 涅槃真實法  
世皆不牢固 如水沫沍焰 汝等咸應當 疾生厭離心  
諸人聞是法 皆得阿羅漢 具足六神通 三明八解脫  
最後第五十 聞一偈隨喜 是人福勝彼 不可為譬喻  
如是展轉聞 其福尚無量 何況於法會 初聞隨喜者  
若有勸一人 將別聽法華 言此經深妙 千万劫難遇  
即受教往聽 乃至須臾聞 斯人之福報 今當分別說



世世無口患 齒不踈黃黑 脣不厚寒缺 無有可惡相  
舌不乾黑短 鼻高循且直 額廣而平心 面目悉端嚴  
為人所喜見 口氣無臭穢 優鉢華之香 常從其口出  
若故詣僧坊 欲聽法華經 須臾聞歡喜 今當說其福  
後生天人中 得妙象馬車 珍寶之輦輿 及乘天宮殿  
若於講法處 勸人坐聽經 是福因緣得 釋梵轉輪坐  
何況一心聽 解說其義趣 如說而循行 其福不可限

妙法蓮華經法師功德品第十九

忝時佛告常精進菩薩摩訶薩若善男子善  
女又受持是法華經若讀若誦若解說若書



寫是又當得八百眼功德千二百耳功德八  
百鼻功德千二百舌功德八百身功德千二  
百意功德以是功德莊嚴六根皆令清淨是  
善男子善女人父母所生清淨肉眼見於三  
千大千世界內外所有山林河海下至阿鼻  
地獄上至有頂亦見其中一切衆生及業曰  
緣果報生處悉見悉知今時世尊欲重宣此  
義而說偈言

若於大衆中以無所畏心說是法華經汝聽其功德  
是人得八百功德殊勝眼以是莊嚴故其目甚清淨



十

父母所生眼。悉見三千界。內外旃樓山。須弥及鐵圍。  
并諸餘山林。大海江河水。下至阿鼻獄。上至有頂天。  
其中諸衆生。一切皆悉見。雖未得天眼。肉眼眼力如是。  
復次常精進。若善男子善女人。受持此經。若  
讀若誦。若解說。若書寫。得千二百耳功德。以  
是清淨耳。聞三千大千世界。下至阿鼻地獄。  
上至有頂。其中內外種種所有。語言音聲。象  
聲。馬聲。牛聲。車聲。啼哭聲。愁歎聲。螺聲。鼓聲。  
鐘聲。鈴聲。笑聲。語聲。男聲。女聲。童子聲。童女  
聲。法聲。非法聲。苦聲。樂聲。凡夫聲。聖人聲。喜



聲不喜聲。天聲。龍聲。夜叉聲。乾闥婆聲。阿耨  
羅聲。迦樓羅聲。緊那羅聲。摩睺羅伽聲。火聲。  
水聲。風聲。地獄聲。畜生聲。餓鬼聲。比丘聲。比  
丘尼聲。聲聞聲。辟支佛聲。菩薩聲。佛聲。以要  
言之。三千大千世界中。一切內外。所有諸聲。  
雅未得天耳。以父母所生。清淨常耳。皆悉聞  
知。如是分別種種音聲。而不壞耳根。亦時世  
尊。欲重宣此義。而說偈言。

父母所生耳。清淨無濁穢。以此常耳聞。三千世界聲。  
象馬車牛聲。鐘鈴螺鼓聲。琴瑟琵琶聲。簫笛之音聲。



清淨好歌聲聽之而不著無數種人聲聞悉能解了  
又聞諸天聲微妙之歌音及聞男女聲童子童女聲  
山川嶽谷中迦陵頻伽聲命命等諸鳥悉聞其音聲  
地獄衆苦痛種種楚毒聲餓鬼飢渴逼求索飲食聲  
諸阿脩羅等居在大海邊自共言語時出于大音聲  
如是說法者安住於此間遙聞是衆聲而不壞耳根  
十方世界中禽獸鳴相呼其說法之人於此悉聞之  
其諸梵天上光音及遍淨乃至有頂天言語之音聲  
法師住於此悉皆得聞之一切比丘衆及諸比丘尼  
若讀誦經典若為他人說法師住於此悉皆得聞之



復有諸菩薩讀誦於經法若為他人說撰集解其義  
如是諸音聲悉皆得聞之諸佛大聖尊教化衆生者  
於諸大會中演說微妙法持此法華者悉皆得聞之  
三千大千界內外諸音聲下至阿鼻獄上至有頂天  
皆聞其音聲而不壞耳根其耳聰利故悉能分別知  
持是法華者雖未得天耳但用所生耳功德已如是  
復次常精進若善男子善女人受持是經若  
讀若誦若解說若書寫成就八百鼻功德以  
是清淨鼻根聞於三千大千世界上下內外  
種種諸香須臾那華香閻提華香末利華香



瞻蔔華香。波羅羅華香。赤蓮華香。青蓮華香。  
白蓮華香。華樹香。菓樹香。旃檀香。沉水香。多  
摩羅跋香。多伽羅香。及千萬種和香。若栳若  
丸。若塗香。持是經者。於此間住。悉能分別。又  
復別知衆生之香。象香。馬香。牛羊等香。男香。  
女香。童子香。童女香。及草木。藁林香。若近若  
遠。所有諸香。悉皆得聞。今別不錯。持是經者。  
雖住於此。亦聞天上諸天之香。波利質多羅。  
拘鞞陀羅樹香。及鼻陀羅華香。摩訶鼻陀羅  
華香。鼻殊沙華香。摩訶鼻殊沙華香。旃檀沉



水。種種。秣香。諸雜華香。如是。等天香。和合所  
出之香。無不聞知。又聞諸天身香。釋提桓因  
在勝殿上。五欲娛樂嬉戲時香。若在妙法堂  
上。為忉利諸天說法時香。若於諸園遊戲時  
香。及餘天等男女身香。皆悉遙聞。如是展轉  
乃至梵天上。至有頂諸天身香。亦皆聞之。并  
聞諸天所燒之香。及聲聞香。辟支佛香。菩薩  
香。諸佛身香。亦皆遙聞。知其所在。雖聞此香。  
然於鼻根。不壞不錯。若欲分別。為他人說。憶  
念不謬。今時世尊。欲重宣此義。而說偈言。



是人鼻清淨於此世界中若香若臭物種種悉聞知  
須臾那闍提多摩羅旃檀沉水及桂香種種華菓香  
及知衆生香男子女人香說法者遠住聞香知所在  
大勢轉輪王小轉輪及子群臣諸宮人聞香知所在  
身所著珠寶及地中寶藏轉輪王寶女聞香知所在  
諸又嚴身具衣服及瓔珞種種所塗香聞則知其身  
諸天若行坐遊戲及神變持是法華者聞香悉能知  
諸樹華菓實及蘊油香氣持經者住此悉知其所在  
諸山深峻處栴檀樹華敷衆生在中者聞香皆能知  
鐵圍山大海地中諸衆生持經者聞香悉知其所在



阿循羅男女及其諸眷屬鬪諍遊戲時聞香皆能知  
曠野嶮隘處師子象虎狼野牛水牛等聞香知所在  
若有懷妊者未辨其男女無根及非人聞香悉能知  
以聞香力故知其初懷妊成就不成就安樂產福子  
以聞香力故知男女所念泐欲癡恚心亦知循善者

地中衆伏藏金銀諸珍寶銅器之所盛聞香悉能知  
種種諸瓔珞無能識其價聞香知貴賤出處及所在  
天上諸華等曼陀曼殊沙波利質多樹聞香悉能知  
天上諸宮殿上中下差別衆寶華莊嚴聞香悉能知  
天園林勝殿諸觀妙法堂在中而娛樂聞香悉能知



諸天若聽法或受五欲時來往行坐卧聞香悉能知  
天女所著衣好華香莊嚴周旋遊戲時聞香悉能知  
如是展轉上乃至於梵天入禪出禪者聞香悉能知  
光音遍淨天乃至于有頂初生及退沒聞香悉能知  
諸比丘眾持於法常精進若坐若經行及讀誦經法  
或在林樹下車精而坐禪持經者聞香悉知其所在  
菩薩志堅固坐禪若讀經或為人說法聞香悉能知  
在在方世尊一切所恭敬愍眾而說法聞香悉能知  
眾生在佛前聞經皆歡喜如法而修行聞香悉能知  
雖未得菩薩無漏法生鼻而是持經者先得此鼻相



復次常精進。若善男子善女人。受持是經。若  
讀。若誦。若解說。若書寫。得千二百舌功德。若  
好。若醜。若美。若不美。及諸苦澀物。在其舌根。  
皆變成上味。如天甘露。無不美者。若以舌根  
於大眾中。有所演說。出深妙聲。能入其心。皆  
令歡喜快樂。又諸天子天女。釋梵諸天。聞是  
深妙音聲。有所演說。言論次第。皆悉來聽。及  
諸龍龍女。夜叉夜叉女。乾闥婆。乾闥婆女。阿  
脩羅。阿脩羅女。迦樓羅。迦樓羅女。緊那羅。緊  
那羅女。摩睺羅伽。摩睺羅伽女。為聽法故。皆



來親近恭敬供養。及比丘比丘尼。優婆塞。優婆夷。國王王子。群臣眷屬。小轉輪王大轉輪王。七寶千子。內外眷屬。乘其宮殿。俱來聽法。以是菩薩善說法故。婆羅門居士。國內人民。盡其形壽。隨侍供養。又諸聲聞。辟支佛。菩薩諸佛。常樂見之。是又所在方面。諸佛皆向其慶說法。悉能受持。一切佛法。又能出於深妙法音。尔時世尊。欲重宣此義。而說偈言。  
是人舌根淨。終不受惡味。其有所食。噉悉皆成甘露。以深淨妙聲。於大眾說法。以諸目緣。喻引導眾生心。



聞者皆歡喜。設諸上供養。諸天龍夜叉。及阿耨羅等。皆以恭敬心。而共來聽法。是說法之人。若欲以妙音。遍滿三千界。隨意即能至。大小轉輪王。及千子眷屬。合掌恭敬心。常來聽受法。諸天龍夜叉。羅刹毗舍闍。亦以歡喜心。常樂來供養。梵天王魔王。自在大自在。如是諸天衆。常來至其所。諸佛及弟子。聞其說法音。常念而守護。或時為現身。

復次常精進。若善男子善女人。受持是經。若讀若誦。若解說。若書寫。得八百身功德。得清淨身。如淨瑠璃。衆生喜見。其身淨故。三千大



千世界衆生。生時死時。上下好醜。生善處惡處。悉於中現。及鐵圍山。大鐵圍山。旃樓山。摩訶旃樓山等。諸山王。及其中衆生。悉於中現。下至阿鼻地獄。上至有頂。所有及衆生。悉於中現。若聲聞辟支佛。菩薩諸佛。說法皆於身中現。其色像。亦時世尊。欲重宣此義。而說偈言。

若持法華經。其身甚清淨。如彼淨瑠璃。衆生皆喜見。又如淨明鏡。悉見諸色像。菩薩於淨身。皆見世所有。唯獨自明了。餘人所不見。三千世界中。一切諸群萌。



天人阿脩羅地獄鬼畜生如是諸色像皆於身中現  
諸天等官殿乃至於有頂鐵圍及於樓摩訶於樓山  
諸大海水等皆於身中現諸佛及聲聞佛子菩薩等  
若獨若在眾說法悉皆現スレミ雅未得無漏法性之妙身  
以清淨常體一切於中現

復次常精進若善男子善女人如來滅後。更  
持是經。若讀。若誦。若解說。若書寫。得千二百  
意功德。以是清淨意根。乃至聞一句。通  
達無量無邊之義。解是義已。能演說一句。一  
偈。至於一月。四月。乃至一歲。諸所說法。隨其



義趣皆與實相不相連<sup>并</sup>芽。若說俗間經書治  
世語言。資生業等。皆順<sup>レ</sup>正法。三千大千世界。  
六趣衆生。心之所行。心所動作。心所戲論。皆  
惡。知之。雖未得無漏智慧。而其意根清淨如  
此。是人有所思惟。籌量<sup>チウリヤウ</sup>言說。皆是佛法。無不  
真實。亦是先佛經中所說。亦時世尊。欲重宣  
此義。而說偈言。

是人意清淨。明利無穢濁<sup>エチヤウ</sup>。以此妙意根。知上中下法。  
乃至聞一偈。通達無量義。次第如法說。月四月至歲。  
是世界內外。一切諸衆生。若天龍及人。夜叉鬼神等。



其在六趣中所念若干種持法華之報一時皆悉知  
十方無數佛百福莊嚴相為衆生說法悉聞能受持  
思惟無量義說法亦無量終始不惑錯以持法華故  
悉知諸法相隨義識次第達名字語言如所知演說  
此人有所說皆是先佛法以演此法故於衆無所畏  
持法華經者意根淨若斯雅未得無漏先有如是相  
是人持此經安住希有地為一切衆生歡喜而愛敬  
能以千萬種善巧之語言分別而演說持法華經故

妙法蓮華經卷第六



伊勢國一志郡小倭鄉成願寺法橋上人位真灑施金壹兩同須介瀨村渡邊某施金貳兩  
貳分奄茲郡楠原村森藤三郎金壹兩林村林喜兵衛金貳兩貳分林辰八郎金壹兩貳分  
林三郎助金壹兩林源吉金壹兩安濃郡穴倉村八右衛門金壹兩謹刻此卷以此功德各  
家祖代々諸靈淨輪淨雪妙葉松壽清光精靈得入無上道速成就佛身 沙門覺慎識

為人久住

利益無人天也



